



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis Pœnitentiæ & Extremæ Unctionis;
necnon varia summorum Pontificum Decreta, contra Moralis corruptæ
propositiones, & alia

Genet, François

Parisiis, 1703

Q. 2. Quænam sunt opera, quibus satisfacere Deo possumus pro peccatis,
quæque Confessor in pœnitentiam peccatorum imponere debet?

urn:nbn:de:hbz:466:1-40817

CAPUT VII.

De Satisfactione.

Quæst. 1. QUID est Satisfactio Sacramentalis?

Resp. Ut colligitur ex Catechismo Concilii Tridentini de Sacramento Pœnitentiæ his verbis : *Numero 88. Illa tantum Satisfactio Sacramenti pars censenda est, quam diximus ex præcepto Sacerdotis Deo pro peccatis dependi, hoc adjungo, ut statutum cum animo, & deliberatum habeamus, peccata in posterum omni studio vitare.*

Quocirca, ait S. Anselmus : *Hoc quoque attendendum est, quod cum aliquis quod injustè abstulit, solvit, hoc debet dare, quod ab illo non posset exigi si alienum non rapuisset. Sic ergo debet omnis qui peccat, honorem quem rapit Deo solvere. Et hæc est Satisfactio, quam omnis peccator debet Deo facere.*

Quoniam autem debitus honor Deo reddi non potest nisi quis peccata omninò vitare instituat, S. Augustinus relatus in Canone, ait : *Can. Satisfactio. De Pœnit. dist. 3. Satisfactio Pœnitentiæ, est peccatorum causas excidere, nec earum suggestionibus aditum indulgere.*

Quæst. 2. Quænam sunt opera, quibus satisfacere Deo possumus pro peccatis, quæque Confessor in pœnitentiam peccatorum imponere debet?

Resp. Ea ad tria præcipua reducuntur, ut in Concilio Florentino tradidit Eugenius Papa in Decreto unionis his verbis : *Tertia pars Pœnitentiæ est Satisfactio pro peccatis secun-*

dum arbitrium Sacerdotis : quæ quidem præcipue fit per orationem, jejunium, & eleemosynam.

Cujus rationem affert Divus Thomas, dum ait : *Dicendum quod Satisfactio debet esse talis per quam aliquid nobis subtrahamus ad honorem Dei. Nos autem non habemus nisi tria bona ; scilicet bona animæ, bona corporis, & fortunæ, scilicet exteriora ; ex bonis quidem fortunæ subtrahimus aliquid nobis per eleemosynam ; sed ex bonis corporalibus per jejunium ; ex bonis autem animæ non oportet quod aliquid subtrahamus à nobis quantum ad diminutionem ipsorum, quia per ea efficiuntur Deo accepti ; sed per hoc quod ea submittimus Deo totaliter, & hoc fit per orationem.*

Competit etiam iste numerus ex parte illa, quia satisfactio peccatorum causas excidit ; quia radices peccatorum tres ponuntur, primæ Joannis 2. *Concupiscentia carnis, concupiscentia oculorum, & superbia vitæ.* Et contra concupiscentiam carnis ordinatur jejunium ; contra concupiscentiam oculorum, eleemosyna ; contra superbiam vitæ, oratio, ut Augustinus dicit super Matth. Competit etiam quantum ad hoc quod satisfactionis est, peccatorum suggestionibus aditum non indulgere, quia omne peccatum vel in Deum committitur ; & contra hoc ordinatur oratio, vel in proximum, & contra hoc eleemosyna ; vel in nos ipsos, & contra hoc ordinatur jejunium.

Quest. 3. Satisfactio est-ne necessaria ad validitatem Sacramenti Pœnitentiæ ?

Resp. Docet Concilium Tridentinum intentionem satisfaciendi Deo pro peccatis, quantum per ejus gratiam possumus, omnino ne-

S. Tho. in
4. sentent.
dist. 15. q.
1. art. 4.
quæst. 3. in
corp.